



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 114. Lignerii sedulitas in tuenda urbe.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

pediti haud amplius diruere, aut comburere poterant, nihilominus Franciscanorum, & Sancti Joannis cœnobîa, quæ extra urbem erant, tempestive incendebant: hostes tamen quoddam munimentum capiunt, illudque milite firmant, quod obsessis permoleste accidit: sed damnum hoc mox sive astu, sive virtute Foliati strenui Ordinum ductoris compensatum est: is quippe cum sexaginta circiter delectis, qui vexilla Protestantium insignibus similia gestabant, per Drocensem portam egressus ad exteriorem fossæ oram erupit, & ad munitionem non animadverso a defensoribus dolo pervenit, ubi improviso impetu ignaros adortus locum recepit, iisque repulsis ibidem substitit.

§. CXIV.

Lignerii sedulitas in tuenda urbe.

Nec interim Lignerius otiosus steterat, sed civium Primores convocans, eos hortatus est, ut Regi suo fideles inter se concordiam servarent, insuper arma capeffere, ac laboribus magis arduis vacare eis persuadet, imbecilles vero eo inducit, ut ceteris opem suis facultatibus subministrarent. Postmodum loca minus munita largis, validisque fossis firmari, ac propugnaculum ante Drocensem portam erigi jubet,

O 2

bet,

Sæcul. XVI.

A. C. 1567.

Sæcul. XVI. bet, ejusque jussu sex molatrinæ ver-
A.C. 1567. fatiles in urbe fabricatæ sunt, quæ flu-
 vio forte ab hostibus averso aliarum vi-
 cem supplerent: nec sane hæc sollicitu-
 do frustranea fuit: quippe Princeps ex
 alia parte urbem quater aggrediens,
 ostium, ex quo Dura flumen in urbem
 Carnutensem sese exonerat, obstrui
 jussit, ut molatrinæ aquatiles omnino
 inutiles redderet: huic quoque conatui
 optatus adlusit successus, flumen enim
 in antiquum suum alveum feliciter de-
 rivabatur: interim crebræ ab obsessis
 eruptiones fiebant, modo per S. Michaelis,
 & modo per S. Joannis portas, ca-
 ptis etiam duobus Vicecomitum signis,
 quæ mox in majori urbis templo suspen-
 sa sunt, eodemque tempore Lignerius
 ad omnes casus intentus, aggerem in-
 ter Drocensem portam, & Dominica-
 norum ædes excitabat, eique quoddam
 belli tormentum imponebat, quod a
 Protestantibus olim tempore pugne
 Drocensis defossus, ac postea captus
 fuerat, indeque Hugonotta dictum, nunc
 vero a Catholicis erectum, ut porrectis
 ictibus oppugnantes a ruinæ accessu
 prohiberet.

Nec minus Condæus Princeps omni-
 bus eventibus prospicere sollicitus, ac-
 cepto nuntio, quod Joannes Nogaretus
 Valeta sub Nemorsio Duce Legatus cum
 octo-

Sæcul. XVI.
A.C. 1567.

octodecim equitum Gallorum, & delectis Italarum alis jam Udencum venisset, ut obsessis laborantibus præsto esset, & pabulatores prohiberet, ac com meatum interciperet, Colinium maris Præfectum eo mittit, attributis Antonio Valdræo Mojo, & aliis ducibus cum octo equitum Gallorum, & sex Germanorum alis, quæ ter mille quingentos viros efficiebant: igitur Architalassus Udencum vi ingressus Italos aliquot obvios habuit, cum jam Valeta vasis conclamatis impedimenta ad discessum urget: ubi plerique occisi, alii capti, & quatuor vexilla capta sunt, atque impedimenta, & equi in fœderatorum potestatem venere, qui mox inde nusquam intermisso itinere cum præda opima in castra ad suos reversi sunt. Valeta ex tumultu collectis quingentis equitibus crebro ad insequentium incursionem frontem obvertens nusquam solutis ordinibus periculo summa cum sua laude se eripuit, & ad Andegavensem Ducem, qui adversa ex parte castra habebat, se recepit.

§. CXV.

*Calvinistarum progressus in Piſtavia,
& Aquitania.*

In aliis quoque Provinciis Calvinistarum copiarum magnos fecere progressus; *Thu. l. c.*

O 3

quippe